

診
家
正
眼

診家正眼卷下

雲間李中梓士林父著

吳郡同門諸子重較

叔和脉經止論二十四種。若夫長短二脉缺而不載。牢革二脉混而不分。更有七至名極。卽爲疾脉。是指下恆見者。又何可廢乎。共得二十八脉。縷析而詳爲之辨。稍挾疑混者。悉簡其訛。從來晦蝕之義。今始得而昭明。朕皆攷據典章。衷極理要。終不敢以憑臆之說。罔亂千秋也。

浮脉陽

體象

浮在皮毛。如水漂木。舉之有餘。按之不足。

主病

浮脉爲陽。其病在表。寸浮傷風。頭疼鼻塞。左

關浮者。風在中焦。右關浮者。風痰在膈。尺部得浮。下焦風客。小便不利。大便秘濇。

兼脉

無力表虛。有力表實。浮緊風寒。浮遲中風。浮

數風熱。浮緩風濕。浮芤失血。浮短氣病。浮洪虛熱。浮虛暑憊。浮濇血傷。浮濡氣敗。

按浮之爲義。如木之浮水面也。浮脈法天。輕清在上。

之象在卦爲乾。在時爲秋。在人爲肺。素問曰。其氣來毛而中央堅。兩傍虛。此爲太過。病在外。其氣來毛而微。此謂不及。病在中。又曰。太過則氣逆而背痛。不及則喘。少氣而欬。上氣見血。又曰。肺脉厭厭聶聶。如落榆莢。曰肺平。肺脉不上不下。如循雞羽。曰肺病。肺脉來如物之浮。如風吹毛。曰肺死。王叔和云。舉之有餘。按之不足。最合浮脉之義。黎氏以爲如捻葱葉。則混于芤脉矣。崔氏云。有表無裏。有上無下。則脫脉無根。又混于散脉矣。僞訣云。尋之如太過。是中候盛滿。與

浮之名義有何干涉乎。須知浮而盛大爲洪浮而軟大爲虛浮而柔細爲濡浮而弦芤爲革浮而無根爲散浮而中空爲芤毫厘疑似之間相去便已千里可不細心體認哉。寸關尺俱浮直上直下或顛或癰腰背強痛不可俛仰此督脈爲病也。夫肺臟職掌秋金天地之氣至秋而降且金性重而下沉何以與浮脈相應耶。不知肺金雖沉狀所主者實陽氣也。況處于至高爲五藏六府之華蓋輕清之用與乾天合德故與浮脈相應耳。

沉脉陰

體象

沉行筋骨如水投石按之有餘舉之不足。

主病

沉脉爲陰其病在裏寸沉短氣胸痛引脇或

爲痰飲或水與血關主中寒因而痛結或爲滿悶吞
酸筋急尺主背痛亦主腰膝陰下濕痿淋濁痢泄。

兼脉

無力裏虛有力裏實沉遲痼冷沉數內熱沉

滑痰飲沉瀦血結沉弱虛衰沉牢堅積沉緊冷疼沉
緩寒濕。

按沉之爲義如石之沉于水底也沉脉法地重濁在

下之象。在卦爲坎。在時爲冬。在人爲腎。黃帝曰。冬脉如營。何如而營。岐伯對曰。冬脉腎也。北方之水也。萬物所以含藏。其氣來沉以栗。故曰營。其氣如彈石者。此爲太過。病在外。令人解休。脊脉痛而少氣。不欲言。其氣如數者。此謂不及。病在中。令人心懸如飢。脛中清。脊中痛。小腹痛。小便黃赤。又曰。脉來喘喘累累如鉤。按之而堅。曰腎平。冬以胃氣爲本。脉如引葛。按之益堅。曰腎病。脉來發如奪索。辟辟如彈石。曰腎死。楊氏曰。如綿裹砂。內剛外柔。審度名義。頗不相戾。僞訣

妄曰緩度三關狀如爛綿則是弱脉而非沉脉矣若緩度三關尤不可曉沉而細與爲弱脉沉而弦勁爲牢脉沉而着骨爲伏脉剛柔淺深之間宜熟玩而深思也。

夫腎之爲臟配坎應冬萬物蟄藏陽氣下陷烈爲雪霜故其脉主沉陰而居裏若悞與之汗則如蟄蟲出而見霜悞與之下則如飛蛾入而見湯此叔和入理之微言後世之司南也。

遲脉陰

體象

遲脉屬陰象爲不及往來遲慢三至一息。

主病

遲脉主臟其病爲寒寸遲上寒心痛停凝關

遲中寒癥結攣筋尺遲火衰溲便不禁或病腰足疝

痛牽陰。

兼脉

有力積冷無力虛寒浮遲表冷沉遲裏寒遲

濇血少遲緩濕寒遲滑脹滿遲微難安。

按遲之爲義遲滯而不能中和也脈以一息四至爲

和平。若一息三至則遲而不及矣。陰性多滯故陰寒

之症脉必見遲也。譬如太陽隸于南陸則火度而行

數隸於北陸則水度而行遲卽此可以徵陰陽遲速之故也。僞訣云重手乃得是沉脉而非遲矣。又云狀且難是滯脉而非遲矣。一息三至甚爲分明而誤云隱隱是微脉而非遲矣。遲而不流利則爲滯脉。遲而歇止則爲結脉。遲而浮大且軟則爲虛脉。至于緩脉絕不相類。夫緩以脉形之寬縱得名。遲以至數之不及爲義。故緩脉四至寬緩和平。遲脉三至遲滯不前。然則二脉迥別。又安足溷哉。以李瀕湖之通達亦云小快于遲作緩持以至數論緩脉是千慮之一失也。

王叔和曰一呼一至曰離經二呼一至曰奪精三呼一至曰死四呼一至曰命絕此損之脉也一損損于皮毛二損損于血脉三損損于肌肉四損損于筋五損損于骨是知脉之至數愈遲則症之陰寒益甚矣

數脉陽

體象

數脈屬陽象爲太過一息六至往來越度

主病

數脈主腑其病爲熱寸數喘欬口瘡肺癰閉

數胃熱邪火上攻尺爲相火遺濁淋瘕

兼脉

有力實火無力虛火浮數表熱沉數裏熱陽

數君火陰數相火右數火亢左數陰戕

按數之爲義躁急而不能中和也一呼脉再動氣行三寸一吸脉再動氣行六寸一晝一夜凡一萬三千五百息當五十周于身脉行八百一十丈此經脉周流恒常之揆度也若一息六至豈非越其常度耶火性急速故陽盛之症脉來必數也僞訣立七表八裏而獨遺數脉止歌於心藏此其過非淺鮮也數而弦急則爲緊脉數而流利則爲滑脉數而有止則爲促脉數而過極則爲疾脉數如豆

粒則爲動脈。古人云。脈書不厭千回讀。熟讀深思。自知。祇如相類之脈。非深思不能辨別。非熟讀不能諳識也。

王叔和云。一呼再至曰平。三至曰離經。四至曰奪精。五至曰死。六至曰命絕。此至之脈也。乃知脈形愈數。則受症愈熱矣。肺部見之爲金家賊脈。秋月逢之爲尅令凶徵。

滑脈 陽中之陰

體象 滑脈替替往來流利盤珠之形。荷露之義。

主病

滑脉爲陽。多主痰液。寸滑咳嗽。胸滿吐逆。關

滑胃熱壅。氣傷食。尺滑病淋。或爲痢積。男子溺血。婦

人經鬱

兼脉

浮滑風痰。沉滑痰食。滑數痰火。滑短氣塞。滑

而浮大。尿則陰痛。滑而浮散。中風癰緩。滑而冲和。娠

孕可決

按滑之爲言。往來流利而不澇滯也。陰氣有餘。故脉
來流利如水。夫脉者血之府也。血盛則脈滑。故腎脈
宜之。張仲景以翕奄沉爲滑。而人莫能解。蓋翕者浮

也。奄者，忽也。謂忽焉而浮，忽焉而沉，摹寫往來流利之狀，極爲曲至也。僞訣云：按之卽伏，三關如珠不進不退，與滑之名義殊屬支離。曰伏曰不進不退，尤爲怪誕。王叔和以關滑爲胃，家有熱，僞訣以關滑爲胃，家有寒，叔和以尺滑爲下焦畜血。僞訣以尺滑爲臍下如冰，何相反悖謬一至此乎？又考叔和云：與數相似，則滑必兼數。而李時珍以滑爲陰氣有餘，是何其不相合耶？或當以浮沉尺寸爲辨耳。

滑脈爲陽中之陰，以其形兼數也。故爲陽，以其形如

水也。故爲陽中之陰。大抵兼浮者。毗于陽。兼沉者。毗于陰。是以或熱或寒。古無定稱也。衡之以浮沉。辨之以尺寸。庶無悞耳。

瀉脉陰

體象

瀉脈寒滯。如刀刮竹。遲細而短。三象俱足。

主病

瀉爲血少。亦主精傷。寸瀉心痛。或爲怔忡。關

瀉陰虛。因而中熱。右關土虛。左關脇脹。尺瀉遺淋。血利可決。孕爲胎病。無孕血竭。

兼脉

瀉而堅大。爲有實熱。瀉而虛軟。虛火炎灼。

按瀉者不流利不爽快之義也。內經曰：參伍不調，謂其凝滯而至數不和勻也。脈訣以輕刀刮竹爲喻者，刀刮竹則阻滯而不滑也。通真子以如雨沾沙爲喻者，謂雨沾金石則滑而流利，雨沾沙土則瀉而不流也。李時珍以病蚕食葉爲喻者，謂其遲慢而艱難也。僞訣云：指下尋之似有舉之全無，則是微脈而非瀉脈也。王叔和謂其一止復來，亦有疵病，蓋瀉脈往來遲難，有類乎止而寔非止也。又曰：細而遲，往來難且散者，乃浮分多而沉分少有，類乎散而寔非散也。須

知極細極軟似有若無爲微脉浮而且細且奐爲濡脉沉而且細且奐爲弱脉三者之脉皆指下模糊而不清爽有似乎濇而實有分別也肺之爲臟氣多血少故右寸見之爲合度之診腎之爲臟精司精血故左尺見之爲虛殘之候不問男婦凡尺中沉濇者必艱于嗣正血少精傷之故如懷子而得濇脉則血不足以養胎如無子而得濇脉將有陰衰髓竭之憂大抵一切世間之物濡潤者則必滑枯槁者則必濇故滑爲痰飲濇主陰衰理有固狀無可疑者

虛脉陰

體象

虛合四形浮太遲與及乎尋按幾不可見

主病

虛主血虛又主傷暑左寸心虧驚悸怔忡右

寸肺虧自汗氣怯左關肝傷血不營筋右關脾寒食

不消化左尺水衰腰膝痠痺右尺火衰寒症蜂起

按虛之爲義中空不足之象也專以與而無力得名

王叔和云虛脉遲大而與按之豁豁狀空此言最爲

合義雖不言浮字而曰按之豁狀空則浮字之義已

包含具足矣崔紫虛以爲形大力薄其虛可知但欠

遲字之義耳。僞訣云：尋之不足，舉之有餘，是浮脈而非虛脈矣。浮以有力得名，虛以無力取象。有餘二字，安可施之虛脈乎？楊仁齋曰：狀爲柳絮散慢而遲滑。伯仁曰：散大而爽，二家之言俱是散脈而非虛脈矣。夫虛脈按之雖爽，猶可見也；散脈按之絕無，不可見也。虛之異于濡者，虛則遲大而無力，濡則細小而無力也。虛之異于芤者，虛則愈按而愈軟，芤則重按而仍見也。王叔和脈經曰：血虛脈虛而獨不言氣虛者，何也？氣爲陽主浮分，血爲陰主沉分。今浮分大而沉

分空故獨主血虛耳

夫虛脈兼遲遲爲寒象。大凡症之虛極者必挾寒。理勢狀也。故虛脈行于指下。則益火之原以消陰翳。可劃狀決矣。更有浮取之而且大且數。重按之而豁狀如無。此名內真寒而外假熱。古人以附子理中湯。冰冷與服。治以內真熱而外假寒之劑也。

實脈陽

體象

實脈有力長大而堅。應指幅幅。三候皆狀。

主病

血實脈實。火熱壅結。左寸心勞。舌強氣湧。右

寸肺病嘔逆咽疼左關見實肝火脇痛右關見實中滿氣疼左尺見之便閉腹疼右尺見之相火亢逆

兼脈

實而且緊寒積稽留實而且滑痰凝爲祟

按實之爲義邪氣盛滿堅勁有餘之象也既大矣而且兼長既長大矣而且有力既長大有力矣而且浮中沉三候皆狀則諸陽之象莫不畢備焉見此脉者必有大邪大熱大積大聚故叔和脉經云實脈浮沉皆得脉大而長微弦應指幅幅狀又曰血寔脉寔又曰脈寔者水穀爲病又曰氣來實強是謂太過由是

測之則但主寔熱不主虛寒。較若列眉矣。故叔和有尺寔則小便難之說。乃僞訣。謬以尺寔爲小便不禁。奈何與叔和適相反耶。又妄謂如繩應指來則是緊脉。而非實脉之象矣。夫緊脉之與寔脉雖相類而實相懸。但緊脉弦急如切繩。而左右彈人手。寔脉則且大且長。三候皆有力也。緊脉者熱爲寒束。故其象絢急而不寬。舒寔脉者邪爲火迫。故其象堅滿而不和柔。以症合之以理察之。不可混殺。又按張潔古惑於謬訣。寔主虛寒之說。而遂以姜附施治。甚不可爲訓。

也。或寔脉而兼緊者。庶乎相當。苟非緊脉而大溫之劑。施于大熱之人。其不立斃者。幾希矣。以潔古之智。當必是兼緊之治法無疑耳。

長脉

陽

體象

長脉迢迢。首尾俱端。直上直下。如循長竿。

主病

長主有餘。氣逆火盛。左寸見長。君火爲病。右

寸見長。滿逆爲定。左關見長。木實之殃。右關見長。土

鬱脹悶。左尺見之。奔豚冲兢。右尺見之。相火專令。

按長之爲義。首尾相稱。往來端直也。在時爲春。在卦

爲震在人爲肝。肝主春生之令。天地之氣至此而發舒。脉象應之。故得長脉也。內經云。長則氣治。李月池曰。心脉長者。神強氣壯。腎脉長者。蒂固根深。皆言平脉也。如上文主病云云。皆言病脉也。內經云。肝脉來。軟弱招招。如揭長竿末梢。曰肝平。肝脉來。盈實而滑。如循長竿。曰肝病。故知長而和緩。卽合春生之氣。而爲健旺之徵。長而硬滿。卽屬火亢之形。而爲疾病之應也。舊說過于本位。名爲長脉。久久審度而知其必不狀也。寸而上過。則爲溢脉。寸而下過。則爲關脉。關

而上過則屬寸脉。關而下過則屬尺脉。尺而上過則屬關脉。尺而下過則爲覆脉。由是察之。狀則過于本位。理之所必無。唯其狀如長竿。則直上直下。首尾相應。非若他脉之上下參差。首尾不均。凡寔虛脈。四脉皆兼長脉。故古人稱長主有餘之疾。豈虛語哉。

短脉陰

體象

短脉潛小。首尾俱俯。中間突起。不能滿部。

主病

短主不及。爲氣虛症。短居左寸。心神不定。短

現右寸。肺虛頭痛。短在左關。肝氣有傷。短在右關。膈

間爲殃。左尺短時少腹必疼。右尺短時真火不隆。
按短之爲象。兩頭沉下而中間獨浮也。在時爲秋在
人爲肺。肺應秋金。天地之氣至是而收斂。人身一小
天地。故蓄納之象相應。而短脉見矣。內經曰。短則氣
病。蓋以氣屬陽。主乎充沛。若短脉獨見。氣衰之確兆
也。狀肺爲主氣之藏。偏與短脉相應。則又何以說也。
素問曰。肺之平脉。厭厭翕翕。如落榆莢。則短中自有
和緩之象。氣仍治也。若短而沉且瀉。而謂氣不病可
乎。高陽生以短脉爲中間有。兩頭無。爲不及本位。常

衷之以至理而知其說不能無弊也。蓋夫脉以貫通爲義。一息不運則機緘窮。一毫不續則穹壤判。豈有斷絕不通之理哉。假使上不貫通則爲陽絕。下不貫通則爲陰絕。而戴同父云。短脉只當見于尺寸。若關中見短。是上不通。寸爲陽絕。下不通。尺爲陰絕。據同父之說。極爲有見。狀尺與寸可短。依狀落於陽絕。陰絕矣。殊不知短脉非兩頭斷絕。特兩頭俯而沉中間突而浮起。仍是貫通者也。叔和云。應指而迴。不能滿部。亦非短脉之合論矣。李時珍曰。長脉屬肝。宜于春。

短脉屬肺宜于秋但診肺肝則長短自見故知非其時非其部則爲病脉矣。

洪脉陽

體象 洪脈極大狀如洪水來盛去衰滔滔滿指

主病 洪爲盛滿氣壅火亢左寸洪大心煩舌破右寸洪大胸滿氣逆左關見洪肝木太過右關見洪脾土脹熱左尺洪兮水枯便難右尺洪兮龍火燔灼

按洪脉卽大脉也如堯時洪水之洪喻其盛滿之象

卦爲離在時爲夏在人爲心時當朱夏天地之氣酣

滿暢達脉者得氣之先故應之以洪洪者大也以水
喻也又曰鈎者以木喻也夏木繁滋枝葉敷布重而
下垂故如鈎也鈎卽是洪名異寔同素問以洪脉爲
來盛去衰頗有微旨大抵洪脉只是根脚濶大却非
堅硬若使大而堅硬則爲寔脉而非洪脉矣內經謂
大則病進亦以其氣方張也黃帝問曰夏脉如鈎何
如而鈎岐伯曰夏脉心也南方火也萬物所以盛長
也其氣來盛去衰故曰鈎反此者病黃帝曰何如而
反岐伯曰其氣來盛去亦盛此謂太過病在外其氣

水不盛去反盛此謂不及病在中太過則令人身熱而膚痛爲浸淫不及則令人煩心上見欬吐下爲氣泄王叔和云夏脉洪大而散名曰平脈反得沉濡而滑者是腎之乘心水之剋火爲賊邪死不治反得大而緩者是脾之乘心子之扶母爲寔邪雖病自愈反得弦細而長者肝之乘心母之歸子爲虛邪雖病易治反得浮濇而短者是肺之乘心金之凌火爲微邪雖病卽瘥凡失血下利久嗽久病之人俱忌洪脈經曰形瘦脉大多氣者死可見形症不與脉合者均

非吉兆

微脉陰

體象

微脉極細而又極軟似有若無欲絕非絕。

主病

微脉模糊氣血大衰左寸驚怯右寸氣促左

關寒攣右關胃冷左尺得微髓竭精枯右尺得微陽

衰命絕。

按微之爲言無也其象極細極軟古人以塵與微並稱便可想見其細軟之極矣張仲景曰瞥瞥如羹上肥狀其軟而無力也縈縈如蛛絲狀其細而難見也

所以古人言其似有若無欲絕非絕惟斯八字可爲微脉傳神每見脉之細者輒以細微二字並稱何言之不審耶輕取之如無故曰陽氣衰重按之而欲絕故曰陰氣竭長病得之多不可救謂正氣將次滅絕也卒病得之猶或可生謂邪氣不至深重也李時珍云微主久虛血弱之病陽微則惡寒陰微則發熱自非峻補難可回春按筭數者以十微爲一忽十忽爲一絲十絲爲一毫十毫爲一釐由是推之則一釐之少分而爲萬方始名微則微之渺小蓋可知已

細脉陰

體象

細直而軟，纍纍縈縈，狀如絲線，較顯于微。

主病

細主氣衰，諸虛勞損。細居左寸，怔忡不寐。細

在右寸，嘔吐氣怯。細入左關，肝陰枯竭。細入右關，胃

虛脹滿。左尺若細，洩利遺精。右尺若細，下元冷憊。

按細之爲義，小也。細也，狀如絲也。微脉則模糊而難

見，細脉則顯明而易見。故細比于微，稍稍較大也。僞

訣乃云：極細則是微脉，而非細脉矣。脉經云：細爲血

少，氣衰有此症，則順；無此症，則逆。故吐利失血，得沉

細者生憂勞過度之人。脉亦多細。爲自戕其氣血也。春夏之令。少壯之人。俱忌細脉。謂其不與時合。不與形合也。秋冬之際。老弱之人。不在禁例。

大抵細脉微脈。俱爲陽氣衰殘之候。內經曰。氣主煦之。非行溫補。何以復其散失之元乎。嘗見虛損之人。脉已細而身嘗熱。醫者不究其原。而以涼劑投之。何異惡醉而強酒。遂使真陽散敗。飲食不進。上嘔下泄。是速之使斃耳。素問云。壯火食氣。少火生氣。人非此火。無以運行三焦。熟腐五穀。未微乎。此者安足以操。

司命之權哉。狀虛勞之脉。細數不可並見。並見者死。細則氣衰。數則血敗。氣血交窮。短期將至。雖和緩調治。亦無回生之日矣。

濡脉

陰中之陽

體象

濡脉細軟。見于浮分。舉之乃見。按之即空。

主病

濡主陰虛。髓竭精傷。左寸見濡。健忘驚悸。右

寸見濡。腠虛目汗。左關逢之。血不營筋。右關逢之。脾虛濕侵。左尺得濡。精血枯損。右尺得之。火敗命垂。按濡之爲名。即軟之義也。必在浮候。見其細軟在中。

候沉候不可得而見也。王叔和比之帛浮水面。李時珍比之水上浮漚。皆曲狀其隨手而沒之象也。脈經言輕手相得按之無有。偽訣反言按之似有。舉還無是弱脈而非濡脈矣。濡脈之浮軟與虛脈相類。但虛脈形大而濡脈形小也。濡脈之細小與弱脈相類。但弱在沉分而濡在浮分也。濡脈之無根與散脈相類。但散脈從浮大而漸至于沉。絕濡脈從浮小而漸至于不見也。從大而至無者爲全凶之象。從小而至無者爲吉凶相半也。浮主氣分。浮舉之而可得氣猶未

敗沉主血分沉按之而全無血已傷殘在久病老年
之人見之尚未至于必絕爲其脉與症合也若平人
及少壯暴病見之名爲無根脉去死不遠矣。

弱脉陰

體象

弱脉細小見于沉分舉之則無按之乃得。

主病

弱爲陽陷真氣衰弱左寸心虛驚悸健忘右

寸肺虛自汗短氣左關木枯必苦攣急右關土寒水
穀之病左尺弱形澀流可徵右尺若見陽陷可驗
按弱之爲義沉而細小之候也叔和脉經云弱脉極

裏而沉細按之乃得舉手無有。何其詳且明也。僞訣反爲弱脉。輕手乃得。是濡脉之形。而非弱脉之象矣。夫浮以候陽。陽主氣。分浮取之。而如無。則陽氣衰微。確狀可據。夫陽氣者。所以衛外而爲固者也。亦所以運行三焦。熟腐五穀者也。弱脉呈形。而陰霾已極。自非見睨而陽。何以復耶。素問云。脉弱以滑。是有胃氣。脉弱以濇。是爲久病。愚謂弱堪重按。陰猶未絕。若兼濇象。則氣血交敗。生理滅絕矣。仲景云。陽陷入陰。當惡寒發熱。久病及年衰見之。猶可維持。新病及少壯。

得之不死安待。柳氏曰。氣虛則脉弱。寸弱陽虛。尺弱陰虛。關弱胃虛。

緊脉

陰中之陽

體象

緊脉有力。左右彈人。如絞轉索。如切緊繩。

主病

緊主寒邪。亦主諸痛。左寸逢緊。心滿急痛。右

寸逢緊。

傷寒喘嗽。左關人迎浮緊。傷寒右關氣口沉

緊。

傷食。左尺見之。臍下痛極。右尺見之。奔豚疝疾。

兼脉

浮緊。傷寒沉緊。傷食急而緊者。是爲遯尸。數

而緊者。

當主鬼擊。

按緊者。綳急而兼絞轉之形也。古稱熱則筋縱寒則筋急。此惟熱鬱于內而寒束于外。故緊急絞轉之象徵現于脈耳。素問曰。往來有力。左右彈人手。則剛勁之概可鞠。夫寒者北方剛勁肅殺之氣。故緊急中復兼左右彈手之象耳。仲景云。如轉索無常。叔和曰。數如切繩。丹溪曰。如紉簞綫。譬如二股三股糾合爲繩。之象可見。緊之爲義。不獨縱有挺急抑且橫有轉側也。苟非橫有轉側。則內經之左右彈人。仲景之轉索。丹溪之紉線。叔和之切繩。將何取義乎。僞訣云。寥寥

入尺來不矦緊之義何居乎。蓋緊脈之挺勁而急與弦脈相類。但比之于弦。有更加挺勁之異。及轉如繩線之異也。

中惡祟乘之脈而得浮緊。謂邪方熾而脈無根也。欬嗽虛損之脈而得沉緊。謂正已虛而邪已痼也。咸在不治之例。

緩脈

陰

體象

緩脈四至來往和勻。微風輕颭。初春楊柳。

緩不主病

緩爲胃氣不主于病。取其兼見方可斷症。

兼脉主癰

浮緩傷風沉緩寒濕緩大風虛緩細濕痺緩

瀉脾薄緩弱氣虛右寸浮緩風邪所居左寸瀉緩少

陰血虛左關浮緩肝風內鼓右關沉緩土弱濕侵左

尺緩瀉精宮不及右尺緩細真陽衰極。

按緩脉以寬舒和緩爲義與緊脉正相反也在卦爲

坤在五行爲土在時爲四季之末在人身爲足太陰

脾經若陽寸陰尺上下同等浮大而爽無有偏勝者

故曰緩而和勻不浮不沉不大不小不疾不徐意思

欣欣悠悠揚揚難以名狀者此真胃氣脉也土爲萬

物之母。中氣調和。則百疾不生。凡一切脉中。皆須扶
緩。謂之胃氣。但得本臟之脉。無胃氣以和之。則真藏
脉見。與之短期。又曰。有胃氣則生。無胃氣則死。緩之
于脉大矣哉。是故緩脉不主疾病。惟攻其兼見之脉。
乃可斷其爲病耳。岐伯曰。脾者土也。孤藏以灌四旁
者也。善者不可見。惡者可見。其來如水之流者。此爲
太過。病在外。如鳥之喙。此爲不及。病在中。太過則令
人四肢沉重不舉。不及則令人九竅壅塞不通。王叔
和脉經云。脾旺之時。其脉大阿阿而緩。名曰平脉。反

得弦細而長者。是肝之乘脾。木之尅土。爲賊邪。死不治。反得浮濇而短者。是肺之乘脾。子之扶母。爲寔邪。雖病自愈。反得洪大而散者。是心之乘脾。母之歸子。爲虛邪。雖病易治。反得沉濡而滑者。腎之乘脾。水之凌土。爲微邪。雖病卽瘥。高陽生僞訣。以緩脈主脾熱。口臭反胃齒痛。夢鬼諸症。出自杜謬。與緩脈何涉也。

弦脈

陽中之陰

體象

弦如琴弦。輕虛而滑。端直以長。指下挺狀。

主病

弦爲肝風。主痛主癢。主痰主飲。弦在左寸。心

中必痛弦在右寸胸及頭疼左關弦兮痰瘕癥瘕右
關弦兮胃寒膈痛左尺逢弦飲在下焦右尺逢弦足
攣疝痛

兼脉 浮弦支飲沉絃懸飲絃數多熱絃遲多寒弦
大主虛弦細拘急陽弦頭痛陰絃腹痛單弦飲癰雙
弦寒痼

按弦之爲義如琴弦之挺直而略帶長也在卦爲震
在五行爲木在四時爲春在五藏爲肝經曰少陽之
氣溫和軟弱故脉爲弦岐伯曰春脉肝也東方木也

萬物之所以始生也。故其氣來濡脈輕虛而滑端直以長。故曰弦。反此者病。其氣來而寔強。此爲太過。病在外。其氣來不實而微。此爲不及。病在中。太過則令人善怒。忽忽眩冒而癲。不及則令人胸脇痛引背兩脇脹滿。又曰肝脈來濡弱迢迢如揭長竿末稍曰肝平。春以胃氣爲本。肝脈來盈實而滑如循長竿曰肝病。肝脈來急而益勁如張弓弦曰肝死。弦脈與長脈皆主春令。但弦爲初春之象。陽中之陰。天氣猶寒。故如琴弦之端直而挺。狀稍帶一分之緊急也。長爲暮。

春之象純屬于陽絕無寒意故如木榦之迢直以長純是發生之氣象也戴同父云弦而更其病輕弦而硬其病重深契內經之旨兩關俱弦謂之雙弦若不
能食爲木來尅土土已負矣必不可治素問云端直以長叔和云如張弓絃巢氏云按之不移綽綽如按琴瑟絃同父云從中直過挺狀指下諸家之論弦脈可謂深切著明矣而高陽生乃言時時帶數又言脈緊狀類繩牽則是緊脈之象安在其弦脈之義哉

動脈陽

體象

動無頭尾其形如豆厥厥動搖必兼滑數

主病

動脈主痛亦主于驚左寸得動驚悸可斷右

寸得動自汗無疑左關若動驚及拘攣右關若動心

脾疼痛左尺見之亡精爲病右尺見之龍火奮迅

按動之爲義以厥厥動搖急數有力得名也兩頭俯

下中間突起極與短脈相類但短脈爲陰不數不硬

不滑也動脈爲陽且數且硬且滑也關前爲陽關後

爲陰故仲景云陽動則汗出分明指左寸之心汗爲

心之液右寸之肺主皮毛而司腠理故汗出也又曰

陰動則發熱。分明指左尺見動爲腎水不足。右尺見動謂相火虛炎故發熱也。因是而知舊說言動脈只見于關上者非也。且素問曰婦人手少陰心脈動甚者爲妊子也。狀則手少陰明隸于左寸矣。而獨見于關可乎。成無已曰陰陽相搏則虛者動。故陽虛則陽動。陰虛則陰動。以關前爲陽主汗出。關後爲陰主發熱。豈不精妥。而龐安常強爲之說云關前三分爲陽。關後三分爲陰。正當關位半陰半陽。故動隨虛見。是亦泥動脈只見于關之說也。高陽生僞訣云尋之似

有舉之還無是弱脉而非動脉矣。又曰不離其處不往不來三關沉沉含糊謬妄無一字與動脉合義。詹氏曰如鈎如毛則混于浮大之脉尤堪捧腹。

促脉 陽

體象

促爲急促數時一止如趨而蹶進則必死。

主病

促因火亢亦因物停左寸見促心火炎炎右

寸見促肺鳴咯咯促見左關血滯爲殃促居右關脾

宮食滯左尺逢之遺滑堪憂右尺逢之灼熱爲定。

按促之爲義于急促之中時見一歇止乃陽盛之象

也。黎氏曰：如蹶之趨，疾徐不常，深得其義。夫八身之氣，血貫注于經脈之間，綿綿不息。臟氣乖違，則稽留凝泣，阻其運行之機，因而歇止者，其止爲輕。若真元衰憊，則陽弛陰涸，失其揆度之常，因歇止者，其止爲重。然促脈之故，得于藏氣乖違者，十之六七；得于真元衰憊者，十之二三。或因氣滯，或因血凝，或因痰停，或因食壅，或外因六氣，或內因七情，皆能阻遏其運行之機，故雖當往來急數之時，忽見一止耳。如止數漸稀，則爲病瘥；止數漸增，則爲病劇。僞訣言併居寸口，已非促。

脉之義且不言時止尤爲賾賾也

燕都王湛六以脾泄求治神疲色瘁診得促脉或十四五至得一止或十七八至得一止余謂其原醫者曰法在不治而醫者爭之曰此非代脈不過促脈何先生之輕命耶余曰是真元敗絕陰陽交窮而促脉呈形與稽留凝泣而見促者不相侔也醫者唯唯居一月而果歿

結脉陰

體象 結爲凝結緩時一止徐行而怠頗得其旨

主病 結屬陰寒亦因凝積左寸心寒疼痛可夾右

寸肺虛氣寒凝結左關結見疝瘕必現右關結形痰

滯食停左尺結兮痿躄之病右尺結兮陰寒爲楚

按結之爲義結而不散遲滯中時見一止也古人譬

諸徐行而息偶羈一步可爲結脉傳神大凡熱則流

行寒則凝結理勢狀也夫陰寒之中且挾凝結喻如

隆冬天氣嚴肅流水冰堅也少火衰弱中氣虛寒失

其乾健之運則氣血痰食互相糾纏運行之機緘不

解故脉應之而成結也越人云結甚則積甚結微則

氣微浮結者外有積痛化結者內有積聚故知結而有力者方爲積聚結而無力者是真氣衰弱違其運化之常惟一味溫補爲正治也仲景云緊二如循長竿曰陰結藹二如車蓋曰陽結王叔和曰如麻子動搖旋引旋收聚散不常曰結主死夫是三者雖同名爲結而義實有別浮分得之爲陽結沉分得之爲陰結止數頻多參伍不調爲不治之症由是推之則結之主症未可以一端盡也僞訣云或來或去聚而却還律以緩時一止之義幾同寐語矣

代脉陰

體象

代爲禪代止有常數不能自還良久復動

主病

代主藏衰危惡之候脾土敗壞吐利爲咎中

寒不食腹疼難救兩動一止三四日死四動一止六

七日死次第推求不失經旨

按代者禪代之義也如四時之禪代不愆其期也結
促之止止無常數代脉之止止有常數結促之止一
止卽來代脉之止良久方至內經以代脉之見爲藏
氣衰微脾氣脫絕之診也惟傷寒心悸懷胎三月或

七情太過或跌打重傷及風家痛家俱不忌代脉未
可斷其必死滑伯仁曰無病而羸瘦脈代者危候也
有病而氣血乍損祇爲病脈此伯仁爲暴病言也若
久病得代脉而與其回春者萬不得一也內經曰代
則氣衰又曰代散者死夫代脉現而脾土衰散脉現
而腎水絕二脉交見雖在神聖亦且望而却走矣大
抵脈來一息五至則肺心脾肝腎五臟之氣皆足也
故五十動而不一止者合大衍之數謂之平脈反此
則止乃見焉腎氣不能至則四十動一止肝氣不能

至則三十動一止脾氣不能至則二十動一止心氣不能至則十動一止肺氣不能至則四五動一止戴同父云三部九候每候必滿五十動出自難經而偽訣五臟歌中皆以四十五動爲準乖于經旨偽訣又云四十一止一臟絕却後四年多歿命荒疵越理莫此爲甚夫人豈有一藏既絕尚活四年之理哉

歷考內經而知代脉之義別自有說如宣明五氣篇曰脾脉代邪氣藏府病形篇云黃者其脉代皆言藏氣之常候非謂代爲止也平人氣象論曰長夏胃微

更弱曰平。但代無胃曰死者。蓋言無胃氣而死亦非以代爲止也。如云五十動而不一代者。是乃至數之代也。若脈平勻而忽強忽弱者。乃形體之代。卽平人氣象論所言者是也。若脾王四季而隨時更代者。乃氣候之代。卽宣明五氣等篇所云者是也。脈無定候更變不常。則均謂之代。各因其變而察其情。庶足窮其妙耳。善化令黃桂岩心疼奪食。脈三動一止。良久不能自還。施笠澤云。五藏之氣不至。法當旦夕死。余曰。古人謂痛甚者。脈多代少。得代脈者死。老得代

脉者生。今桂岩春秋高矣。而胸腹負痛。雖有代脉。安足慮乎。果越兩旬而桂岩起矣。

革脉 陽中之陰

體象

革大弦急。浮取卽得。按之乃空。渾如鼓革。

主病

革主表寒。亦屬中虛。左寸之革。心血虛痛。右

寸之革。金衰氣壅。左關遇之。疝瘕爲祟。右關遇之。土虛而疼。左尺診革。精空可必。右尺診革。殞命爲憂。女人得之。半產漏下。

按革者。皮革之象也。表邪有餘而內則不足也。恰如

鼓皮。脈絀急。內則空虛也。浮舉之。而弦大。非絀急之象乎。沉按之。而豁然。非中空之象乎。惟表有寒邪。故弦急之象見焉。惟中虧氣血。故空虛之象顯焉。仲景曰。革脈弦而芤。絃則爲寒。芤則爲虛。虛寒相搏。此名爲革。男子亡血失精。女子半產漏下。叔和云。三部脈革。長病得之死。卒病得之生。李時珍云。此芤弦二脈相合。故均主失血之候。諸家脈書。皆以爲卽牢脈也。故或有革無牢。或有牢無革。混而莫辨。不知革浮牢沉。革虛牢實。形與症皆異也。甲乙經曰。渾渾革至如

湧泉病進而色弊綿綿其去如弦絕者死謂脈來彈濁革變急如泉涌出而不返也觀其曰涌泉則浮取之不止于弦大而且數且搏且滑矣曰絃絕則重按之不止于豁狀而且絕無根蒂矣故曰死也王肱以爲溢脈者因甲乙經有涌泉之語而附會其說也不知溢脈者自寸而上貫于魚際直冲而上如水之沸而盈溢也與革脈奚涉乎丹溪曰如按鼓皮其于中空外急之義最爲親切之喻。

牢脈

陰中之陽

體象

牢在沉分。大而弦實。浮中二候了不可得。

主病

牢主堅積。病在乎內。左寸之牢。伏梁爲病。右

寸之牢。息賁可定。左關見牢。肝家血積。右關見牢。陰

寒痞癖。左尺牢形。奔豚爲患。右尺牢形。疝瘕痛甚。

按牢有二義。堅固牢實之義。又深居在內之義也。故

樹以根深爲牢。蓋深入于下者也。監獄以禁囚爲牢。

深藏于內者也。仲景曰。寒則牢固。又有堅固之義也。

沈氏曰。似沉似伏。牢之位也。寔大弦長牢之體也。牢

脉所主之症。以其在沉分也。故悉屬陰寒。以其形弦

實也。故咸爲堅積。若夫失血亡精之人。則內虛而當得革脉。乃爲正象。若反得牢脉。是脉與症反。可以卜死期矣。僞訣云。尋之則無。按之則有。但依稀彷彿。却不言實大弦長之形象。是沉脈而非牢脉矣。又曰脉入皮膚。辨息難。更以牢爲死亡之脉矣。其謬可勝數哉。叔和脉經云。牢脉似沉似伏。實大而長。微弦可謂詳且明矣。至伏脉雖重按之。亦不可見。必推筋至骨。乃見其形。而牢脉旣寔大弦長。纒重按之。便滿指有力矣。又何以謂之似伏乎。脉之義幽而難明。非字字

推敲展轉審度能無遺後學之疑哉

散脉陰

體象

散脉浮亂有表無裏中候漸空按則絕矣。

主病

散爲本傷見則危殆左寸之散怔忡不卧右

寸之散自汗淋漓左關之散當有溢飲右關之散脹

滿蠱壞居于左尺北方水竭右尺得之陽消命絕

按散有二義自有漸無之象亦散亂不整之象也當

浮候之儼狀大而成其爲脉也及中候之頓覺無力

而減其十之七八矣至沉候之杳狀不可得而見矣

漸重漸無漸輕漸有明乎此八字而散字之義詳明而散脉之形確著故叔和云散脉大而散有表無裏字字斟酌毫不苟且者也崔氏云渙漫不收蓋渙漫卽浮大之義而不收卽無根之義雖得其大意而未能言之鑿二也柳氏云無統紀無拘束至數不齊或來多去少或去多來少渙散不收如楊花散漫之象夫楊花散漫卽輕飄無根之說也其言至數不齊多少不一則散亂而不能整齊嚴肅之象也朕此又補叔和未備之旨深得散脉之神者也同父云心脉浮

大而散肺脉短濇而散皆平脉也。心脉奕散爲怔忡。肺脉奕散爲汗出。肝脉奕散爲溢飲。脾脉奕散爲脘腫。皆病脉也。腎脉奕散諸病脈代散皆死脉也。古人以代散爲必死者。蓋散爲腎敗之徵。代爲脾絕之診也。腎脉本沉而散。脈按之不可得見。是先天資始之根本絕也。脾脉主信而代。脉歇止不愆其期。是後天資生之根本絕也。故二脈獨見均爲危殆之候。而二脈交見尤爲必死之符。

芤脉 陽中陰

體象

芤乃草名絕類慈葱浮沉俱有中候獨空。

主病

芤脉中空故主失血左寸呈芤心王喪血右

寸呈芤相傳陰亡芤入左關肝血不藏芤現右關脾

血不攝左尺如芤便紅爲咎右尺如芤火炎精漏

按芤之爲義兩邊俱有中央獨空之象也芤乃草名

其狀與芤無以異也假令以指候芤浮候之著上面

之芤皮中候之正當芤中空處沉候之又著下面之

芤皮以是審察則芤脉之名象昭昭于心目之間確

乎不可疑矣劉三點云芤脉何似絕類慈葱指下成

竈有邊無中。叔和云。芤脈浮大而軟。按之中央空。兩
邊實。二家之言。其于芤脈。已無遺蘊矣。同父云。管行
脈中。脈以血爲形。芤脈中空。脫血之象也。僞訣未明
中候獨空之旨。妄云兩頭有。中間無。以頭字易脈經
之邊字。則是上下之脈。割狀中斷。而成陰絕陽絕之
診矣。又云。芤積血在胸中。關裏逢芤。腸胃癰。是以芤爲
畜血積聚之實脈。非失血虛家之空脈矣。以李時珍
之博洽明通。亦祖述其言。以作主病之歌訣。豈非千
慮之一失乎。僞訣又云。芤主淋瀝。氣入小腸。與失血

之候有何干涉種種邪訛誤世不小不得不詳辨也
卽叔和脉經云三部脉芤長病得之生卒病得之死
狀暴失血者脉多芤而卒病得之死可乎其言亦不
能無疵也至劉肖齋所引諸家論芤脉者多出附會
不可盡信

伏脉陰

體象

伏爲隱伏更下于沉推筋着骨始得其形

主病

伏脉爲陰受病入深伏犯左寸血鬱之愆伏
于右寸氣鬱之殃左關值伏肝血在腹右關值伏寒

凝水穀。左尺伏見。疝瘕可驗。右尺伏藏。少火消亡。

按伏之爲義。隱伏而不見之謂也。浮中二候絕無影
響。雖至沉候亦不可見。必推筋至骨。方始得見耳。故
其主病多在沉陰之分。隱深之處。非輕淺之劑所得
破其藩垣也。在傷寒論中。以一手脉伏爲單伏。兩手
脉伏爲雙伏。不可以陽症見陰脉爲例也。火邪內鬱。
不得發越。乃陽極似陰。故脉伏者。必有大汗而解。正
如久旱將雨。必先六合陰晦。一雨後。庶物咸蘇也。
又有陰症傷寒。先有伏陰在內。而外復感冒寒邪。陰

氣壯盛陽氣衰微四肢厥逆六脉沉伏須投薑附及
灸關元陽乃復回脈乃復出也若太谿衝陽皆無脈
者必死無疑劉元賓云伏脉不可發汗爲其非表脈
也亦爲其將自有汗也乃僞訣云徐徐發汗而潔古
欲以附子細辛麻黃湯發之皆非伏脉所宜僞訣論
形象妄曰尋之似有定息全無是于中候見形矣于
伏之名義何居乎

疾脈

陽

體象

疾爲疾急數之至極七至八至脉流薄疾。

主病

疾爲陽極陰氣欲竭。脈號離經。虛魂將絕。漸

進漸疾。旦夕殞滅。左寸居疾。弗戢自焚。右寸居疾。金

被火乘。左關疾也。肝陰已絕。右關疾也。脾陰消竭。左

尺疾。耶涸。輒難濡。右尺疾。耶赫。曦過極。

按六至以上。脈有兩稱。

或名曰疾。或名曰極。

總是急速之形。數

之甚者也。是惟傷寒熱極。方見此脈。非他疾所恒有

也。若勞瘵虛憊之人。亦或見之。則陰髓下竭。陽光上

亢。有日無月。可與之決短期矣。陰陽易病者。脈常七

八至。號曰離經。是已登鬼錄者也。至夫孕婦將產。亦

得離經之脉。此又非以七八至得名。如昨浮今沉。昨遲今數。但離于平素經常之脉。卽名爲離經矣。大都一息四至。則一晝一夜約一萬三千五百息。通計之當五十周于身。而脉行八百一十丈。此人身經脉流行之常度也。若一息八至。則一日一夜周于身者。當一百營。而脉遂行一千六百餘丈矣。必至喘促聲嘶。僅呼吸于胸中數寸之間。而不能達于根蒂。真陰極于下。孤陽亢于上。而氣之短已極矣。夫人之死生由乎氣。氣之聚散由乎血。凡殘喘尚延者。祇憑此一綫。

之氣未絕耳。一息八至之候。則氣已欲脫。而猶冀以草木生之。何怪其不相及也。

脉法總論

脉狀繁多。未可以二十八字盡也。狀于表裡陰陽。氣血虛實之義。頗能括其綱要也。如內經之所曰鼓者。且浮且大也。曰搏者。且大且強也。曰堅者。寔之別名也。曰橫者。洪之別名也。曰急者。緊之別名也。曰喘者。且浮且數也。曰躁者。且浮且疾也。曰踈者。且遲且軟也。曰格者。人迎倍大也。曰關者。氣口倍大也。此二脉

者。後世不深維內經之旨。而悞作病名。不知病因脈得名也。曰溢者。自寸口上越魚際。氣有餘也。覆者。自尺部下達臂間。血有餘也。如仲景論脈曰縱者。水乘火。金乘木也。曰橫者。火乘水。木乘金也。曰逆者。水乘金。火乘木也。曰順者。金乘水。木乘火也。曰反者。來微去大。病在裏也。曰覆者。頭小本大。病在表也。曰高者。衛氣盛也。陽脈強也。曰章者。榮氣盛也。陰脈強也。曰綱者。高章相搏也。曰牎者。衛氣弱也。陽脈衰也。曰卑者。榮氣弱也。陰脈衰也。曰損者。牎卑相搏也。內經十

二。仲景十二凡得二十四脉。未嘗非辨証之旨訣。而世皆置若罔聞。則有慚于司命之職矣。雖二十八字亦已含藏諸義。狀不詳二十四字之義。又安能入二十八字之奧哉。而尤不止此也。陰陽不可不分。而剖色脉不可不合。而稽尺膚不可不詳。而攷主病不可不諳。而識四者得而持脉之道。思過半矣。脉要精微論云。微妙在脉。不可不察。察之有紀。從陰陽始。始之有經。從五行生。生之有度。四時爲宜。彼春之暖。爲夏之暑。彼秋之忿。爲冬之怒。四變之動。脉與之上下。是

以聖人持脉之道。先後陰陽而持之。若陽動陰靜。陽剛陰柔。陽升陰降。陽前陰後。陽上陰下。陽左陰右。數者爲陽。遲者爲陰。表者爲陽。裏者爲陰。至者爲陽。去者爲陰。進者爲陽。退者爲陰。其恒經也。或陰盛之極。反得陽象。或陽亢之極。反得陰徵。或陽窮而陰乘之。或陰窮而陽乘之。隨症更遷。與時變易。此陰陽之不可不分而剖也。岐伯曰。察脈動靜而視精明。察五色。觀五藏有餘不足。六府強弱。形之盛衰。以此參伍。決死生之分。又曰。形氣相得。謂之可治。色澤以浮。謂之

易已。脉從四時謂之可治。脉弱以滑是有胃氣。靈樞
曰。色脉與尺如鼓桴相應。青者脉弦。赤者脉鉤。黃者
脉代。白者脉毛。黑者脉石。見其色而不得見其脉。反
得相勝之脉則死矣。得相生之脉則病已矣。又曰。精
明五色者。氣之華也。赤欲如白裹朱。不欲如赭。白如欲
鵝羽。不欲如鹽。青欲如蒼璧。不欲如藍。黃欲如羅裹
雄黃。不欲如黃土。黑欲如重漆色。不欲如地蒼。此色
脉之不可不合而稽也。靈樞曰。審尺之緩急。大小。滑
濇。肉之堅脆。而病形定矣。目窠微腫。頸脉動時欬。按

之手足育而不起。風水膚脹也。尺膚滑而淖澤者。風也。尺肉弱者。解休安卧。脫肉者。寒熱不治。尺膚濇者。風痺也。尺膚粗如枯魚之鱗者。決飲也。尺膚熱甚。脈盛躁者。病溫也。脈盛而滑者。病且出也。尺膚寒。脈小者。泄而少氣。尺膚炬狀。寒熱也。肘所獨熱者。腰以上熱。手所獨熱者。腰以下熱。肘前獨熱者。膺前熱。肘後獨熱者。肩背熱。臂中獨熱者。腰腹熱。肘後粗以下三四寸熱者。腸中有蟲。掌中熱者。腹熱。掌中寒者。腹寒。魚上有青脈者。胃中寒。尺炬狀。熱人迎大。當奪血。尺堅

大脈小少氣愧有加主死。又曰脈急者尺膚亦急。脈緩者尺膚亦緩。脈小者尺膚亦減而少氣。脈大者尺膚亦賁而起。脈滑者尺膚亦滑。脈濇者尺膚亦濇。此尺膚之不可不詳而攻也。脈要精微論曰長則氣治短則氣病數則煩心大則病進上盛則氣高下盛則氣脹代則氣衰細則氣少濇則心痛渾渾革至如湧泉病進而色弊綿綿其去如弦絕者死。平人氣象論曰脈短者頭疼脈長者足脛痛脈促上擊者肩背痛脈沉而堅者病在中脈浮而盛者病在外脈沉而

頻寒熱及疝瘕少腹痛脉沉而橫脇下有積腹中有
橫積痛脈沉而喘曰寒熱脉盛滑堅者病在外脉小
寔而堅者病在內小弱以瀉謂之久病浮滑而疾謂
之新病脈急者疝瘕少腹痛脉滑曰風脉瀉曰痺緩
而滑曰熱中盛而緊曰脹臂多青脈曰脫血尺脉緩
瀉謂之解亦安臥脈盛謂之脫血尺瀉脉滑謂之多
汗尺寒脉細謂之後泄尺脉粗常熱者謂之熱中此
主病之不可不諳而識也如上所述不過大略耳若
欲達變探微非精研靈素博綜百家不可也許胤宗

曰脉之候幽而難明五

也口莫能

宣而筆又烏能寫乎博極而心靈自啓思深而神鬼
將通則三指有隔垣之照一豎無膏肓之遯矣